

中牟縣志卷之三

禮樂

正民志樂宣民 王者範 天下之 因革損益古今

有不同然時為大稱次之 次之牟雖

典章皆森列焉志禮樂第三

祀典

文廟 崇祀

至聖先師孔子

西配

復聖顏子 述聖子思子 東位 西向

中牟縣志 卷之三 禮樂

一

聖曾子 亞聖孟子 西位 東向

十二哲

閔子損 冉子雍 端木子賜 仲子由 卜子商 有子若 皆東

位西

冉子耕 宰子予 冉子求 言子偃 顓孫子師 朱子熹 皆西

宮适 商瞿 漆雕開 司馬耕

冉 漆雕徒父 漆雕哆 公西赤

齊 公 罕父黑 榮旂 左人郢

鄭目 原亢 廉潔 叔仲會 公西輿如 邾巽 陳

張 步叔乘 秦非 顏噲 顏何 縣亶 牧皮 樂正

萬章 周敦頤 崔顥 邵雍 以上先賢

公羊高 伏勝 毛亨 孔安國 后蒼 鄭康成 范甯 陸

贄 范仲淹 歐陽修 司馬光 謝良佐 羅從彥 李綱

張栻 陸九淵 陳淳 何基 文天祥 趙復 金

履祥 陳澔 方孝孺 薛瑄 胡居仁 羅欽順 呂枏

宗周 孫奇逢 陸隴其 以上先儒

西廡

蘧瑗 澹臺滅明 宓不齊 公冶長 公皙哀 高柴 樊須

中牟縣志

卷之二 禮樂

二

商澤 巫馬施 顏辛 曹卹 公孫龍 秦商 顏高 壤

駟赤 石作蜀 公夏首 后處 奚容蒧 顏祖 句井疆

秦祖 縣成 公祖句茲 燕伋 樂欬 狄黑 孔忠 公西

蒧 顏之僕 施之常 申枏 左邱明 秦冉 公明儀 公

都子 公孫丑 張載 程頤 以上先賢

穀梁赤 高堂生 董仲舒 毛萇 杜子春 諸葛亮 王通

韓愈 胡瑗 韓琦 楊時 尹焞 胡安國 李侗 呂祖

袁燮 黃榦 蔡沈 魏了翁 王柏 陸秀夫 許衡

吳澄 許謙 曹端 陳獻章 蔡清 王守仁 呂坤 黃道

周 湯斌 以上先儒

聖王祈父公 木主居左

聖王防叔公 木主居右

昌聖王伯夏公 木主居左之左

啓聖王叔梁公 木主居右之右

配祀

顏氏無繇 孔氏鯉 東位西向 曾氏點 孟孫氏激 西位東向

氏孟皮 咸豐七年配祀

從祀

周輔成 程珣 蔡元定 東廡西向 張迪 朱松 西廡東向

每歲春秋仲月上丁祭

中牟縣志

卷之三 禮樂

六

祭品

五案帛五 白色 豕一 羊一 鉶一 簠二 簋二 籩八 豆

八 酒尊一 白磁爵三

配祀祭品

每位一案 帛共二 白色 豕首一 簠一 簋一 籩四 豆四

豕肉一 每位銅爵三

從祀祭品

每位一案 帛共二 白色 豕肉一 簠一 簋一 籩四 豆四

每位銅爵三 以上器皿均仍舊志現議照章補製

祭文

維 王奕葉鍾祥光開聖緒盛德之後積久彌昌凡聲教所覃敷  
率尋源而溯本宜肅明禋之典用申守土之忱茲屆仲秋春 聿修祀  
以先賢顏氏先賢曾氏先賢孔氏先賢孟孫氏配尚饗

### 文廟崇祀考

詔州縣立廟以春秋仲月釋奠唐貞觀二年以孔子爲先聖顏  
爲先師配享二十一年以左邱明卜子夏公羊高穀梁赤伏勝  
堂生戴聖毛萇孔安國劉向鄭眾賈逵杜子春馬融盧植鄭康  
腹虔何休王肅王弼杜預范甯二十二人配享開元二十七年  
諡孔子曰文宣王始以顏淵閔子騫冉伯牛仲弓宰我子貢冉有  
季路子游子夏爲十哲曾參居十哲之次各爲坐像配享餘弟子

### 中牟縣志

#### 卷之二

禮樂

七

悉從祀於廡宋祥符五年加封孔子至聖文宣王冕十二旒服九  
章廟門戟二十四封顏子以下爲公曾參以下爲侯左邱明以下  
爲伯元豐七年以孔伋孟軻韓愈從祀淳祐元年以周敦頤張載  
程顥程頤朱熹從祀景定二年以張栻呂祖謙從祀咸淳元年始  
以顏淵曾參孔伋孟軻並配享孔子進顥孫師於十哲以邵雍司  
馬光從祀元大德十一年加封孔子大成至聖文宣王皇慶二年  
以許衡從祀延祐六年以蘧瑗從祀至順元年加封顏淵兗國復  
聖公曾參邾國宗聖公孔伋沂國述聖公孟軻鄒國亞聖公明洪  
武五年罷孟子配享踰年帝曰孟子辨異端闢邪說發明孔子之  
道配享如故十五年詔天下通祀孔子并頒釋奠儀注凡府州縣

學籩豆以八器物牲牢皆殺於國學三獻禮同十哲兩廡一獻有布政司則以布政司官分獻則以本學儒職及老成儒士充之二十六年頒大成樂於天下二十八年以董仲舒從祀宣德三年以縣訓導李譯言命禮部考正從祀先賢名位頒示天下正統二宋儒胡安國蔡沈真德秀從祀三年禁天下祀孔子於釋老八年慈利教諭蔣明請以元儒吳澄從祀從之成化十二年從酒周洪謨言增樂舞爲八佾籩豆各十二牲用熟宏治八年以楊時從祀位司馬光之次九年增樂舞爲七十二人如天子之制嘉靖九年用大學士張璁議改稱孔子曰至聖先師大成殿爲先師廟大成門爲廟門四配稱復聖顏子宗聖曾子述聖子思子亞

聖孟子十哲以下凡及門弟子皆稱先賢某子左邱明以下皆稱先儒某子遵太祖首定南京國子監規制製木爲神主塑像卽令屏撤天下各學八籩八豆樂舞止用六佾凡學別立啓聖祠中祀啟聖公孔氏神位顏曾思孟父俱稱先賢配享兩廡以程珦朱松蔡元定從祀申黨卽申棖釐去其一公伯寮秦冉顏何荀况戴聖劉向賈逵馬融何休王肅王弼杜預吳澄俱罷祀林放蘧瑗盧植鄭衆鄭康成服虔范甯各祀於其鄉增后蒼王通歐陽修胡瑗從又以行人薛侃議進陸九淵從祀十年定制殿中先師南向四東西向稍後十哲皆東西向兩廡從祀先賢凡九十一年隆慶年以薛壇從祀萬曆初以羅從彥李侗從祀十二年以陳憲章

胡居仁王守仁從祀二十三年以宋周敦頤父輔成從祀啟聖  
又定每歲仲春秋上丁日司府州縣衛學各提調官行禮牲

如太學京府及附府縣學止行釋菜禮

國朝順治二年定文廟諡爲大成至聖文宣先師孔子十七年

先師孔子每歲春秋二仲月上丁日致祭各府州縣以

官主祭教職分獻先一刻教官祭啟聖祠康熙二十五年

御製至聖先師孔子贊 蓋自三才建而天地不居其功一中傳

而聖人代宣其蘊有行道之聖得位以綏猷有明道之聖立言以

垂憲此正學所以常明人心所以不泯也粵稽往緒仰溯前徽堯

舜禹湯文武達而在上兼君師之寄行道之聖人也孔子不得位

中牟縣志

卷之二 禮樂

九

窮而在下兼刪述之權明道之聖人也行道者勲業炳於一朝明  
道者教思周於百世堯舜文武之後不有孔子則學術紛淆仁義  
塞斯道之失傳也久矣後之人而欲探二帝三王之心法以爲  
治國平天下之準其奚所取衷焉然則孔子之爲萬古一人也審  
矣朕巡省東國謁祀闕里景企滋深敬摛筆而爲之贊曰清濁有  
剛柔有質聖人參之人極以立行著習察舍道莫由惟皇建極  
惟后綏猷作君作師垂統萬古曰惟堯舜禹湯文武五百餘歲至  
聖挺生聲金振玉集厥大成序書刪詩定禮正樂旣窮象繫亦嚴  
筆削上紹往緒下示來型道不終晦秩然大經百家紛紜殊途異  
趨日月無踰羹牆可晤孔子之道惟中與庸此心此理千聖所同

之 天性

景躅唐虞載歷庭除式觀禮器摛毫仰贊心焉遐企百而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱高數仞夫子之堂孰窺其藩孰窺其徑道不遠人克念作聖進先儒周敦頤張載程顥程頤朱熹邵雍爲先賢二十七年定文廟舞儀祭器每年春秋仲月丁日致祭各州縣八簋八豆舞亦六佾

欽頒御書萬世師表匾額二十八年

御製四配 顏子贊曰聖道蚤聞天姿獨粹約禮博文不遷不貳一善服膺萬德來萃能化而齊其樂一致禮樂四代治法兼備用

中牟縣志

卷之二

禮樂

十

舍藏王佐之器 曾子贊曰洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓詞 子思子贊曰於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠 孟子贊曰哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配定文廟樂舞現用八數歌章四人樂生二十二人執麾一人引節一人舞生三十六人合六十四人四十九年奉

旨春秋二丁武 與祭五十三年以宋儒范仲淹從祀五十四年

升東廡朱熹配享十哲之次雍正二年復林放蘧瑗秦冉顏何  
康成范甯六人從祀增縣廩牧皮樂正子公都子萬章公孫丑講  
葛亮尹焯魏了翁黃幹陳淳何基王栢趙復金履祥許謙陳澹羅  
欽順蔡清陸隴其二十人從祀三年加增祭品祭器樂器併圖冊  
欽頒御書生民未有匾額加封孔氏五代木金公肇聖王祈父公  
裕聖王防叔公詒聖王伯夏公昌聖王叔梁公啟聖王更啓聖祠  
曰崇聖祠以張迪從祀每春秋致祭教官先行禮乾隆二年復元  
儒吳澄從祀三年  
欽頒御書與天地參匾額升東廡有子若人大成殿東卜子夏下  
移朱子於殿西顓孫子師下嘉慶四年

中牟縣志

卷之二 禮樂

十一

欽頒御書聖集大成匾額道光元年

欽頒御書聖協時中匾額二年增劉宗周從祀三年增湯斌從祀

五年增黃道周從祀

乾隆五十一年  
追諡忠端

六年增陸贄呂坤從祀八年增

孫奇逢從祀二十三年增文天祥從祀二十九年增謝良佐從祀

咸豐元年

欽頒御書德齊疇載匾額是年增李綱從祀二年增韓琦從祀三

年增公明儀從祀七年增孔氏孟皮配饗崇聖祠並增公孫僑從

祀九年增陸秀夫從祀十年增曹端從祀同治元年

欽頒御書聖神天縱匾額二年增毛亨方孝孺呂柟從祀復以給

事中王憲成請更敘兩廡位次

准奏頒發定程七年增袁燮從祀位呂祖謙之次今恭繕如

名宦祠 祀

周 邢伯

漢 魯恭 繆彤 楊原

唐 皇甫德參

宋 魯宗道 石揚休

金 李宴

元 田良輔 田恪

明 張永泰 周桀 王敦 韓思忠 高鏞 丁懋儒 徐應

登 王緘 李士達 喬璧星 陳幼學 歐學啟 趙可行

中牟縣志

卷之三 禮樂

十二

石維嶽 陳三益

國朝 李蔭祖 直隸山東河南總督 佟鳳彩 河南巡撫 韓蓋光 董敏善

鄉賢祠 祀

周 田基 甯越 列禦寇

秦 石中美

漢 王方

魏 任峻

晉 潘岳 潘尼

元 張珪 蔡郁 劉源 王仲禮

明 王汝清 冉鼎 王郊 張啟 張繼祖 張木 冉崇儒

冉崇禮 張孟男 劉約情 毛墀 王肩賢 劉之鳳 張

民表 田首鳳 周公輔

國朝 冉佐 冉覲祖

忠義祠 祀

五代 李冠 潘良瑗 潘季通

元 白鎖住長子某

明 楊本 孟之川 冉夢松

節孝祠 祀

五代 趙氏九女

明 劉楊氏 冉吳氏 劉李氏 劉蕭氏 張劉氏 趙劉氏

中牟縣志

卷之三 禮樂

十三

李王氏

國朝 較李氏較士元妻 董蒿氏 李沈氏 許岳氏 劉岳氏

梁朱氏梁維芬妻 朱岳氏朱敬妻 張白氏 冉魯氏冉浩妻 孫蔡氏孫秉立妻

馬孫氏馬瑛妻 申王氏申金相妻 梁駱氏梁致寅妻 馬婁氏馬奪魁妻 胡賈氏胡葆光妻

胡段氏胡延洙妻 崔毛氏崔敏禮妻 邢朱氏邢欽妻 校李氏校無間妻 校李氏校琳妻

和台氏和文華妻 王張氏王剛妻 孟劉氏孟有松妻 劉馮氏劉子申妻 劉魏氏劉延緒妻

曹校氏曹元林妻

以上四祠俱春秋仲月上丁祭

文昌祠

春秋仲月祭二月初三日誕辰祭三獻行三跪九叩禮咸豐六年

奉

旨升入中祀

祭品

帛一色白 太牢一 豕一 羊一 果品五

祭文

維 神道闡苞符性敦孝友並行並育德侔天地以同流乃聖乃神教炳日星而大顯仰鑑觀之有赫示明德之惟馨茲當仲春用昭時享惟祈歆格克鑒精虔尚饗

文昌後殿 祀

文昌帝君先代 祭 文昌帝君日先一刻祭

中牟縣志

卷之三 禮樂

十四

祭品

帛各一色白 豕三 羊三 籩豆各八 果品五 饌五

祭文

祭引先河之義禮崇反本之思矧夫世德彌昭前光永迪祥鍾累代炯列星之精靈化被千秋爲人文之主宰敬尊後殿虔答前庥茲當仲春肅將時事用申告潔神其格歆尚饗

魁星樓

春秋仲月祭

關帝廟

春秋仲月祭五月十三日誕辰祭三獻行三跪九叩禮咸豐三年

奉

旨升入中祀

祭品

太牢一 雍正五年加 豕一 羊一 果品五

祭文

維 帝浩氣凌霄丹心貫日扶正統而彰信義威震九州完大節  
以篤忠貞名高三國神明如在徧祠宇於寰區靈應丕昭薦馨香  
於歷代屢徵異蹟顯佑羣生恭值嘉辰遵行祀典筵陳籩豆几奠  
牲醪尚饗

三公祠 祀

中牟縣志

卷之三 禮樂

十五

關聖帝君三代 祭 關聖帝君日先一刻祭

光昭關公居中

裕昌關公居左

成忠關公居右

祭品

帛各一色白 豕三 羊三 籩豆各八 果品五 饌五

祭文

維 公世澤貽庥靈源積慶德能昌後篤生神武之英善則歸親  
宜享尊崇之報列上公之封爵錫命優隆合三世以肇禋典章明  
備恭逢諏吉祇事薦馨尚饗

社稷壇

春秋仲月上戊日祭三獻行三跪九叩禮

祭品

帛一色黑 豕一 羊一 鉶一 簋二黍稷 簋二稻粱 籩四棗

鹽 豆四韭菹 魚 醢醢菁菹 鹿脯

祭文

維 神奠安九土粒食萬邦分五色以表封圻育三農而蕃稼穡

守土肅展明禋時屆仲春秋敬修祀典庶丸丸松栢鞏磐石於

無疆翼翼黍苗佐神倉於不匱尚饗

先農

中牟縣志

卷之三 禮樂

十六

每歲仲春亥日致祭

祭品

帛一 豕一 羊一 果品五

祭日知縣具朝服率僚屬三獻行三跪九叩禮祭畢易服耕藉田

知縣秉耒屬官播種扶犁執鞭九推九返畢仍具朝服望

闕行三跪九叩禮

祭文

維 神肇興稼穡粒我烝民頌思文之德克配彼天念率育之功

常陳時夏茲當東作咸服先疇洪惟 九五之尊歲舉 三 之

典恭膺守土敢忘勞民謹奉彛章率修祀事惟願五風十雨嘉祥

恒沐於神庥庶幾九穗雙歧上瑞頻書於大有尙饗

風雲雷雨 山川 城隍 八蜡

俱春秋仲月上戊日祭

祭文

維 神贊襄天澤福佑蒼黎佐靈化以流形生成永賴乘氣機而  
鼓盪溫肅攸宜磅礴高深長保安貞之吉憑依鞏固實資捍禦之  
功幸民俗之殷盈仰神明之庇護恭修歲祀正值良辰敬潔豆籩  
祇陳牲幣尙饗

魯公祠

春秋仲月上戊日祭三月二十四日誕辰祭

中牟縣志

卷之二 禮樂

十七

祭品

帛一 豕一 羊一 果品五

邑厲壇

每歲三月清明節七月十五日十月初一日迎城隍神於壇致祭

祭品

豕二 羊二 蒸食四盆 粥四盆

慶賀

聖誕 知縣具朝服率僚屬師生先一日設

龍亭習儀至期四鼓坐班五鼓行三跪九叩禮

冬至 元旦 表賀 行禮同上

詔書

歲逢

皇詔下頒知縣具朝服率僚屬師生出郭五里跪道接導迎至縣堂望

闕行三跪九叩禮開讀如制

恩詔賞賜老民如例

恩赦蠲免錢糧如例

日月食

屆時知縣率僚屬救護陰陽生報時至按欽天監推定時刻上香

鼓分初缺食既復圓三次行三跪九叩禮初缺食既素服復圓

中牟縣志

卷之三 禮樂

十八

易吉服

歲先期塑土牛並芒神立春前一日知縣率僚屬出東門迎芒神於春場行一跪三叩禮三獻復位一跪三叩芒神及土牛先行各官同回署於大門內安芒神行禮如前畢赴春宴立春日具朝服至芒神位前一跪三叩行三獻禮移鞭春所序立揖各執綵仗排列土牛兩旁環擊土牛者三

賓興

歲值鄉試知縣於貢監生員錄科者先三日具啟大堂設筵以彩紅作魁樓天橋至期諸生齊集由中門入揖讓升堂行師生禮知

縣主席親餞畢至天橋西揖諸生上天橋飲酒每人花一枝揖下諸生辭行如儀

諸生鄉試報捷知縣差人送旗匾鼓樂自省歸遣夫馬往迎親賀舉人 試餞 如例

進士畧如舉人儀加隆

貢生送旗匾

鄉飲

歲正月朔十月朔於儒學明倫堂行鄉飲禮前一日執事者宰牲具饌依圖陳設坐次司正以教職爲之率執事習禮其贊禮擇老成生員二人至日知縣及僚屬司正先詣學遣人速賓僎以下比

中牟縣志

卷之二

禮樂

十九

至知縣率僚屬出迎於庠門之外三揖三讓而升堂主居東賓居西相向而立兩拜就位賓位西北介位西南各以齒序主位東南僎位東北各以爵序位次既定贊唱司正行揚觶禮引司正北向立賓介以下皆立揖執事以酒授司正司正舉酒讀詞畢飲酒揖賓僎以下皆揖贊唱復位皆坐乃唱讀律令執事者舉律令案於堂中引讀律令者詣案前北向立贊唱賓僎以下皆立行揖禮如揚觶儀讀律令畢各揖就位贊唱飲酒執事者舉饌案訖贊唱獻賓主北面立執事者以酒授主主詣賓前置於席贊唱兩拜賓答拜訖又獻僎前交拜如前儀各復位贊唱賓酬酒賓起僎從之執事者以酒授賓 詣主前置於席賓主交拜各就位坐贊唱飲酒

或三行或五行供湯 歌詩三章贊唱撤饌案賓僕以下皆起設  
香案於露臺東北行謝

恩禮畢僕主僚屬居東賓介衆賓居西贊唱賓主兩拜訖以次下  
堂分東西行主送賓仍揖讓出庠門三揖畢

約

約之立古者木鐸徇路之遺意也每月朔望知縣命約正於

約所宣講

聖諭廣訓卽詢善惡狀分書於 善 二簿歲終彙冊於官以  
示懲勒

中牟縣志

卷之三  
禮樂

二十